



MA TÈRRA OCCITANA



Musique et paroles de Christian Almerge

Es un país de mar e de montanha
E de camins de grand solelh
De Mediterranèa a la Mar Granda
E d'Alps als Pirènèus
Un país de frigola, de lavanda
De figas e de mèl
Cantarai totjorn ma Tèrra Occitana
Mon país, mon joièl

Es un país a las marches d 'Espanha
D'olius, de vinhas, e de pastèl
Un país blau, un país de cocanha
Liure coma l'aucèl
Dins la frescor de cada matinada
Dins la dolçor del ser
Cantarai totjorn ma Tèrra Occitana
País de grand solelh

Es un país de fada tramontana
E de camins de libertat
Ont se passeja la lenga mairala
De ciutat en ciutat
Dins l'aire clar, portat per las campanas
L'accent tinda plan bèl
Cantarai totjorn ma Tèrra Occitana
Ò mon país rebèl

Es un país d'onor e de paratge
De fièrs castèls crincats al cèl
E de batestas que menèron los rèires
Per semenar lo blat novèl
Es aquí que s'aluquèt la flama
Pertot s'expandirà
Cantarai totjorn ma Tèrra Occitana
Que jamai plegarà

Es un país de mar e de montanha
E de camins de grand solelh
De Mediterranèa a la Mar Granda
E d'Alps als Pirènèus
Un país de borietas amagadas
E de vilatges cocarèls
Cantarai totjorn ma Tèrra Occitana
Mon país, mon joièl